



COMUNU DE QUARTU S. ALENI

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

FUNDOS RAS NOOS PRO I PERCURSOS VITA E S'ISPORT A IS ARENAS

Est de calicuna die a oe sa noa de is istantziamentos detzìdidos dae sa Regione Sardigna in favore de is Entes locales pro interventos subra de s'impianistica isportiva: bator millones de èuro, de cale 455 milli ant a èssere destinados a su Comunu de Quartu Sant'Aleni pro su cumpretamentu de su cumpèndiu isportivu de Is Arenas. Unu contributu importante, chi prèmiat sa calidade de sa proposta de ricualificatzione presentada dae is ufizios nostros e chi nch'at a cunsentire, intro sa segunda ala de s'annu imbeniente, de aviare sa progetatzione de unu campu polivalente e de is percursos natura a fùrriu a is istruturas isportivas, chi ant a èssere in manera perfeta integrados cun sa serente àrea amparada de su Parcu de su Molentàrgius. S'amministratzione Nostra at de tempus individuadu su cumpèndiu de Is Arenas- sa Cora comente a unu de is puntos qualificanti de su programa cumplessivu de ricualificatzione de Quartu comente a “Tzitade de s'Isport”: tenimus in campu 9 millones de investimenti cumplessivos giai istantziados, de cales 1 milione e 600 milli èuros derivantes de su Patu pro s'isvilupu de sa Tzitade Metropolitana de Casteddu e is restos bènnidos de istantziamentos de su bilantzu comunale. Como, de cuntzertu intre is assessorados a is Traballos Pùblicos e a s'Isport sa tranche de mesu milione bènnidu de sa Regione at a pòdere èssere impreada pro sa ricualificatzione de su campu de su Quartu 2000, chi cun ogni probabilidade at a devènnere un'istrutura polivalente dedicada a su fùbbalu e a su basket, mentras cun is chi abarrant fundos at a èssere creada un'àrea de birde attrezzato intre bia de sa Mùsica e bia Beehtoven.